

易

林

冊

一

易

林

焦氏易林序

東萊人費直字長翁

六十四卦變者占王莽時建信天水焦延壽之撰也夫易者廣矣大矣以言乎遠則不禦以言乎邇則靜而正以言乎天地之間則備矣然易者謂六十四卦也推此言之則繇文說卦之所未盡也故連山歸藏周易皆異辭而共卦雖三家並行猶舉一隅耳贛善於陰陽復造此以致易未見者其射存亡吉凶遇其事類則多中至於糜碎小事非其事類則亦否矣贛云通達隱幾聖人之一隅也延壽獨得隱士之說後漢書京房傳云房明治易事梁人焦延壽字贛貧少以好學得幸梁王王供其資令掾意學既成爲郡吏察舉補小黃令以伺候先知奸邪盜賊不得發愛養吏民化行縣中舉最當遷三老官屬上書願留贛有詔許增秩留卒於小黃令贛嘗曰得我道以亡身者京生也其說長於災變分六十四卦更直日用事以風雨寒溫爲候各有占驗房用之尤精孟康曰分卦直日法一爻主一日六十卦爲三百六十日餘四卦震離兌坎爲方伯監司之官所以用震離兌坎者是二至二分用事之日又是四時各專主之氣各

卦上一日其占法各以其日觀善惡也

漢焦小黃周易變卦筮敘

靈越五雲谿王俞

大凡在變化象數之中者莫逃乎易唯人之情爲最
曰難知繫稱卜筮尚占憂患興慮彼山上有火明入
地中周孔之情繇是觀變自三古以降雜說歧分矧
卜筮多門亡羊殆盡雖京郭中奇然皆不免其身夫
自知知人乃曰明哲則隗炤易數於龔使焦贛發誠
於君明炤旣沒不顯其占贛明且哲乃留其術俞巖
耕東鄙自前困蒙客有枉駕蓬廬以焦辭數軸相示
俞嘗讀班史列傳及歷代名儒系譜諸家雜說之文
咸稱自夫子授易於商瞿僅逾十輩延壽傳經於孟
喜固是同時當西漢元成之間凌夷厥政先生乃或
出或處外比苞蒙輒以易道上干梁王遂爲郡察舉
詔補小黃令而邑中隱伏之事皆預知其情得以尤
異當遷尋亦卒於官次所著大易通變其卦總四千
九十六題事本彌綸同歸簡易其辭假出於經史其
意雅合於神祇但率潔精專事無不中而言近意遠
易識難詳不可瀆蒙以爲辭費後之好事如君山者
則子雲之書爲不朽矣以聖唐會昌景寅歲周正五

日敘

焦林直日

六十卦每卦直六日共直三百六十日餘四卦各寄直一日

立春

雨水三十日五卦每卦直六日

小過

蒙 益 漸 泰

驚蟄

春分 春分 震卦直一日

需 隨

晉 解 大壯

清明

穀雨

豫 訟

蠱 革 夬

立夏

小滿

旅 師

比 小畜 乾

芒種

夏至 夏至 離卦直一日

大有

家人 井 咸 姤

小暑

大暑

鼎 豐

渙 履 遯

立秋

處暑

恆 節

同人 損 否

白露

秋分 秋分 兌卦直一日

巽 萃

大畜 賁 觀

寒露

霜降

歸妹

无妄

明夷

困

剝

立冬

小雪

艮

既濟

噬嗑

大過

坤

大雪

冬至

冬至坎卦直一日

未濟

蹇

頤

中孚

復

從大雪後將坎卦入數斷從立冬後四十五

日係王相不斷

小寒

大寒

屯

謙

睽

升

臨

每兩節氣共三十日管五卦逐日終而復始排定一卦相次管六日凡卜看本日得何卦便於本日卦內尋所卜得卦看凶吉

易林卷第一

二二三乾下乾上乾

道陟石阪胡言連蹇譯瘖且聾莫使道通請謁不行求事無功

陟升也連按禮韻讀上聲傲慢不前之貌蹇難也譯傳言通夷夏之言轉告之也

之坤

招禍來螫害我邦國病在手足不得安息

無註

屯

陽孤亢極多所恨惑車傾蓋亡身常憂惶乃得其

願雌雄相從

陽孤亢極易乾卦上九亢龍有悔

蒙

鵠鵠鳴鳩專一無尤君子是則長受嘉福

鵠鵠卽布穀鳥也

需

目睺足動喜如其願舉家蒙寵

睺目動貌漢書眼睺得酒肉

訟

易

林卷一

中華書局聚

龍馬上山絕無水泉喉唯脣乾舌不能言
無註

師

倉盈庾億宜稼黍稷國家富有民人蕃息
無註

比

中夜狗吠盜在牆外神明祐助銷散皆去
無註

小畜

据斗運樞順天無憂與樂並居
無註

履

空拳握手倒地更起富饒豐衍快樂無已
無註

泰

不風不雨白日皎皎宜出驅馳通利大道
無註

否

戴日精光驂駕六龍祿命徹天封爲燕王
無註

同人

子號索哺母行求食反見空巢訾我長息

無註

大有

上帝之生福祐日成修德行惠樂安且寧

無註

謙

山險難登澗中多石車馳轄擊載重傷軸僮負善

蹟跌踣右足

無註

豫

禹鑿龍門通利水源東注滄海民得安存

龍門按書禹貢屬雍州在今馮翊夏陽縣以下

皆言禹治水之功

隨

乘龍上天兩蛇爲輔踊躍雲中遊觀滄海安樂長

處

無註

蠱

彭祖九子據得不殆南山松柏長受嘉福

彭祖堯時人好和滋味進雉羹于堯堯享之而錫以壽考至八伯歲九子未詳詩云如南山之壽

臨

南山昊天刺政關身疾悲無辜背憎爲仇

詩小雅節南山云節彼南山又曰不弔昊天又曰昊天不平此詩家父所作刺周王用尹氏爲太師秉國之均不能毗輔天子用威虐政以召禍亂民所憎惡甚於仇讐也

觀

江河淮海天之奧府衆利所聚可以饒有樂我君子百福是受

無註

噬嗑

堅冰黃鳥啼哀悲愁不見甘粒但觀藜蒿數驚驚鳥爲我心憂

無註

賁

室如懸磬旣危且殆蚤見之士依山處谷

室如懸磬出左傳僖公二十六年註云如而也

野物未成故言居室而資糧縣盡也

剝

大禹式路蚩尤除道周匝萬里不危不殆見其所使無所不在

大禹夏禹姁姓蚩尤軒轅時人

復

三人爲旅俱歸北海入門昇堂拜謁王母勞賜我酒

周穆王宴王母于瑤池 又漢武內傳西王母以七月七日降帝命侍女索桃須臾以玉盤盛桃七枚大如鴨卵形圓色青以呈王母母以五枚與帝

无妄

傳言相誤非干徑路鳴鼓逐狐不知迹處無註

大畜

三羊爭雌相逐奔馳終日不食精氣勞疲無註

頤

純服黃裳戴上與與德義以生天下歸仁

純服色不雜也易坤卦六五黃裳元吉文在中也

大過

桀跖並處人民勞苦雍兵荷糧戰於齊魯

桀夏桀跖盜跖

離

胎生孚乳長息成就充滿帝室家國昌富

無註

坎

黃鳥采芣旣嫁不答念我父兄思復邦國

詩小雅黃鳥篇黃鳥黃鳥無啄我粟此邦之人
不我肯穀言旋言歸復我邦族

咸

三人求橘反得丹穴女貴以富黃金百鎰

註未詳

恆

東山西岳會合俱食百家送從以成恩福

無註

遯

弱雞無距與鵠交鬪翅折目盲爲鳩所傷

無註

大壯

隙大牆壞蠹衆木折狼虎爲政天降罪罰高弑望夷胡亥以斃

秦二世無道丞相趙高專權弑二世于望夷宮胡亥二世名

晉

三癡俱走迷路失道或不知歸反入患口

註未詳

明夷

弓矢俱張弛彈折弦九發不至道遇害患

無註

家人

三女求夫伺候山隅不見復關長思歎憂

詩氓篇刺淫佚也云不見復關泣涕漣漣復關男子之所居也不敢顯言其人故託言之耳

睽

陽旱炎炎傷害禾穀穡人無食耕夫歎息

無註

蹇

易

林卷一

四一中華書局聚

騎狔逐羊不見所望經涉虎穴亡羊失羔一本云
亡羝失羊

無註

解

闇昧冥語轉相註誤鬼魅所舍誰知臥處

無註

損

姬姜祥淑二人偶食論仁議福以安王室

姬周公曰姜太公望二人同心以輔周室

益

公孫駕驪載眄東齊延陵說產遺季紆衣

左傳鄭大夫子產吳公子季札嘗聘鄭與子產
相得子產以紆衣獻季札

夬

孤竹之墟失婦亡夫傷於蒺藜不見少妻東郭棠
姜武氏以亡

孤竹國名易繇曰困于石據于蒺藜入于其宮
不見其妻凶棠姜齊棠公之妻東郭偃之姊也
武氏崔武子杼見左傳

邁

仁政不暴鳳凰來舍四時順節民安其處
無註

萃

任劣力薄鴛孱恐怯如狷見鵠不敢拒格
史記龜策傳云鵠辱於鵠郭璞曰鵠能制虎見
鵠仰地淮南畢萬曰鵠令鵠反腹者鵠憎其意
而心惡之也

升

衛侯東游惑於少姬亡我考妣久迷不來
註未詳

困

尊尊所言莫知我垣歡喜堅固可以長安
無註

井

鸞鳴岐山龜應幽淵男女構精萬物化生文王以
成爲周開庭

鸞鳳類文王之時鳳鳴于岐山大禹之時龜出
于洛水

革

玄黃虺隤行者勞疲役夫憔悴踰時不歸

易

林卷一

五二中華書局聚

詩卷耳篇陟彼高岡我馬玄黃又曰陟彼崔嵬我馬虺隤又云我僕痛矣云何吁矣

鼎

弱足則跟不利出門市賈無利折亡爲患

無註

震

懸桓素餐居非其官失輿剝廬休坐徙居

詩伐檀篇云胡瞻爾庭有縣貍兮彼君子兮不素餐兮貍貉類餐當作餐易剝卦上九君子得輿小人剝廬

艮

民怯城惡姦人所伏寇賊大至入我郭郭妻子俘獲

按春秋傳成公九年楚子重自陳伐莒圍渠丘渠丘城惡楚遂入渠丘

漸

陽低頭陰仰首水爲災傷我足進不利難生子

無註

歸妹

背北相憎心意不同如火與金

詩十月之交卒章云噂沓背憎註云多言以相
悅背則相憎也

豐

太徽帝室黃帝所宜蕃屏周衛不可得入常安無
患

徽當作微大徽帝座星也

旅

蠶栗犧牲敬享鬼神嗜飲食受福多孫

按內則祭天地之牛角蠶栗

巽

出門逢惡與禍爲怨更相擊刺傷我手端

無註

兌

鷁飛中退舉事不遂衆人亂潰

春秋僖公十六年正月六鷁退飛過宋都二十
二年十一月宋公及楚人戰于泓宋師敗績

渙

跛踣相隨日暮牛罷陵遲後旅失利亡雌

無註

節

易

林卷一

六中華書局聚